

6. gr.

Sjóðstjórnin semur reikninga sjóðsins og skulu þeir árlega endurskoðaðir af endurskoðanda eða skoðunarmönnum. Reikningsár sjóðsins er almanaksárið. Einfaldur meirihluti ræður ákvörðun innan stjórnarinnar.

7. gr.

Heimilt er að breyta skipulagsskrá þessari ef stjórn sjóðsins eða meirihluti er því sammála.

Verði sjóðurinn lagður niður, skulu eignir hans renna til Byggðasafns Norður-Þing-eyinga.

8. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 1. október 1998.

F. h. r.

Þorsteinn Geirsson.

Fanney Óskarsdóttir.

SKIPULAGSSKRÁ

fyrir Öldrunarmiðstöðina Höfn í Hafnarfirði.

1. gr.

Neðanskráð félagasamtök og stofnanir stofna hér með sjálfseignarstofnun sem starfar í Hafnarfirði og ber heitið *Öldrunarmiðstöðin Höfn*:

Hafnarfjarðarbær,
Sólvangur, sjúkrahús,
Félag eldri borgara (hét áður styrktarfélag aldraðra),
Bandalag kvenna Hafnarfirði,
Verkakvennafélagið Framtíðin,
Verkamannafélagið Hlíf,
Sjómannafélag Hafnarfjarðar,
Starfsmannafélag Hafnarfjarðar,
Skátafélagið Hraunbúar,
Lionsklúbbur Hafnarfjarðar,
Lionsklúbburinn Ásbjörn,
Lionsklúbburinn Kaldá,
Kiwanskúbburinn Hraunborg,
Kiwanskúbburinn Eldborg.

2. gr.

Eignir stofnunarinnar eru þau framlög í reiðufé eða öðrum verðmætum sem berast og safnað verður til byggingar öldrunarmiðstöðvar í Hafnarfirði.

Stofnfé nemur kr. 500.000 og skal það haldast óskert að raungildi.

Stofnendur bera engar fjárhagslegar skuldbindingar vegna sjálfseignarstofnunarinnar.

Heimili og varnarþing er í Hafnarfirði.

Markmið.

3. gr.

Markmið og hlutverk stofnunarinnar er að reisa og reka almennar og félagslegar kaupleiguíbúðir er veiti öldruðum húsnæði í vernduðu umhverfi og þjónustumiðstöð tengdri þeim íbúðum. Jafnframt að reka félagslegar leiguíbúðir bæjarsjóðs Hafnarfjarðar fyrir eldri borgara í húsnæði byggðu af Öldrunarmiðstöðinni Höfn.

Markmiði þessu hyggst stofnunin ná meðal annars með því að: Afla fjár meðal einstaklinga, fyrirtækja, samtaka og stofnana og leita eftir framlagi úr hendi stjórnvalda sbr. lög um málefni aldraðra nr. 82/1989 svo og samkvæmt öðrum lagaákvæðum eða fyrirmælum opinberra stjórnvalda.

4. gr.

Hver húseining eða framkvæmd sem ráðist er í verður sjálfstæð rekstrareining.

Eignar- og afnotaréttur að almennum og félagslegum kaupleiguíbúðum verður með eftirfarandi hætti:

Leiga með kauprétti.

Leiga með kaupum á eignarhluta í íbúð.

Kaup á íbúðinni

Íbúar eiga val um einn af ofangreindum kostum.

Um eignarhaldsíbúðir eða söluíbúðir sem rísa innan öldrunarmiðstöðvarinnar skal stjórnin setja reglugerðir, sem bera skal undir fulltrúaráðið til staðfestingar.

Sama gildir um starfsemi þjónustumiðstöðvar og aðra þá starfsemi sem kann að verða tekin upp.

Afnotarétturinn að félagslegum íbúðum bæjarsjóðs Hafnarfjarðar innan Öldrunarmiðstöðvarinnar er leiga með kaupum á eignarhluta í íbúð. Við félagsslit yfirtekur bæjarsjóður Hafnarfjarðar ofangreindar íbúðir.

Réttur til íbúða er að öðru leyti bundinn við þau atriði, er fram koma í lögum um Húsnæðisstofnun ríkisins og V. kafla reglugerðar nr. 375/1996.

Fulltrúaráð.

5. gr.

Fulltrúaráð fer með æðstu stjórn stofnunarinnar.

Hver stofnaðili velur einn fulltrúa og einn til vara til setu í fulltrúaráði til fjögurra ára nema bæjarstjórn Hafnarfjarðar sem velur þrjá fulltrúa til fjögurra ára og þrjá til vara.

Kjör fulltrúa og varafulltrúa eða tilnefning skal gerð á viðtekinn hátt eftir reglum hvers félags.

Taki varamaður sæti aðalmanns á kjörtímabilinu skal velja mann í hans stað, svo fulltrúaráðið haldi ávallt fullri tölu aðal- og varamanna.

Fundi fulltrúaráðs skal boða með sannanlegum hætti með a.m.k. viku fyrirvara. Fundur er löglegur ef löglega er til hans boðað.

Skýlt er að kalla fulltrúaráðið til fundar ef 1/4 hluti fulltrúaráðsmanna óskar þess eða endurskoðendur gera um það tillögu.

6. gr.

Hlutverk fulltrúaráðs er:

- * að fylgjast með rekstri stofnunarinnar og vera tengiliður milli stjórnar hennar og stofnenda,
- * að kjósa stjórn og endurskoðendur stofnunarinnar,
- * að setja stofnuninni þær reglur sem nauðsyn krefur.

Til að sinna hlutverki sínu skal ráðið koma saman eigi sjaldnar en tvisvar á ári. Skal þá fara yfir skýrslur stjórnar og forstjóra um rekstur stofnunarinnar, fjárreiður og önnur þau atriði, er snerta rekstur hennar sem og önnur þau umsvif, sem nauðsynleg reynast.

Stjórn.

7. gr.

Stjórn stofnunarinnar skal skipuð 5 mönnum og jafnmörgum til vara.

Kjörtímabil stjórnar skal vera fjögur ár.

Formann skal kjósa sérstaklega, enda er hann jafnframt formaður fulltrúaráðsins og boðar fundi þess.

Meðstjórnendur skal kjósa í einu lagi svo og varamenn.

Á fyrsta fundi eftir stjórnarkjör skulu stjórnarmenn skipta með sér verkum.

Forfallist formaður tekur varaformaður sæti hans.

8. gr.

Stjórn stofnunarinnar fer með fjármál stofnunarinnar, annast framkvæmdir hennar og ræður starfsfólk eftir því sem henta þykir. Stjórnin ræður löggiltan endurskoðanda í samráði við kjörna endurskoðendur.

Stjórnin getur falið sérstakri framkvæmdanefnd ákveðin verkefni tímabundið og ber þá ábyrgð á störfum hennar.

Arlega skal gera rekstrar- og efnahagsreikning stofnunarinnar er kjörnir endurskoðendur skulu yfirfara og árita ásamt stjórninni. Þannig frágengnir skulu reikningar lagðir fyrir fulltrúaráðið til úrskurðar ásamt greinargerð hins löggilta endurskoðanda.

Vistun.

9. gr.

Óski einhver aðili að tryggja vistrými fyrir aldraða félaga sína með því að greiða stofn-kostnað slíks rýmis, skal stjórnin gera um það sérsamning við hlutaðeigandi aðila. Þeir einir skulu vistaðir sem uppfylla skilyrði stofnunarinnar og laga og reglugerða um vistun.

Stjórnin getur falið sérstakri nefnd að fara með vistunarmat fyrir sig.

Starfsemi hætt.

10. gr.

Telji fulltrúaráðið sér ekki fært að annast rekstur stofnunarinnar áfram, skal gefa aðildar-félögum, einum eða fleirum kost á að taka við rekstri hennar enda verði hlutverk stofnunarinnar óbreytt.

Að þeim frágengnum falla eignir stofnunarinnar til ríkisins og/eða sveitarfélagsins með þeirri kvöð að hún verði áfram rekin í þjónustu aldraða.

Eigi ekkert þessara atriða við skal ráðstafa eignum stofnunarinnar í sem líkustum til-gangi við upprunalegan tilgang hennar.

Nýir aðilar.

11. gr.

Stofnfélagar eru þau félagasamtök og stofnanir sem talin eru upp í 1. gr.

Þeir sem óskuðu eftir að gerast aðilar að samtökum þessum fyrir 1. maí 1991 teljast stofnfélagar. Heimilt er að fjölga félögum með samþykki tveggja þriðju hluta fulltrúaráðsins. Hætti einhver aðili samtakanna þátttöku fækkar fulltrúum í fulltrúaráði að rétttri tiltölu. Á sama hátt fjölga í fulltrúaráðinu gangi ný félög til samstarfs við samtökin.

Breyting á skipulagsskrá.

12. gr.

Skipulagsskrá þessari verður ekki breytt nema atkvæði 2/3 fulltrúaráðsmanna falli á þann veg á lögætum fundi, enda hljóti breytingin staðfestingu réttra yfirvalda.

13. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 7. október 1998.

F. h. r.

Þorsteinn Geirsson.

Fanney Óskarsdóttir.
REGLUGERÐ

**um breytingu á reglugerð um einkennisbúninga, merki
og búnað lögreglumanna nr. 528/1997, með síðari breytingum.**

1. gr.

Eftirfarandi breytingar verða á 1. kafla reglugerðarinnar:

- a. Heiti kaflans verður: Einkennisfatnaður lögreglunnar.
- b. 2. másl. töluliðar 1.5 orðast svo: Við buxur 1 skal nota svart belti með einfaldri venjulegri sylgju eða innra belti tækjabeltis.
- c. 1. másl. 6. mgr. töluliðar 1.8 orðast svo: Yfir brjóstvösum skulu vera endurskinsborðar, 2,5 sm breiðir.
- d. Töluliður 1.9 orðast svo:

1.9 Buxur 2 skulu vera úr svörtu, slitsterku, eldtefjandi efni, þær eru síðar, án uppbrota, með sjö vösum, þar af tveimur vösum á buxnaskálmum neðan við hliðarvasa og vasa fyrir kylfu innan á hliðarvasa öðru hvoru megin. Við buxur 2 skal nota svart belti með einfaldri venjulegri sylgju eða innra belti tækjabeltis. Heimilt er að nota axlabönd ef þau eru svört eða sem líkust skyrtulit.
- e. Nýir töluliðir 1.13 - 1.18 bætast við svohljóðandi:

1.13 Einkennisbúningur 1: Svartur síður jakki og svartar buxur. Á jakkanum eru axlar-sprotar með tveimur 10 mm gylltum borðum og stöðueinkennum, í mittið er jakkinn með svörtu leðurbelti 4 sm breiðu með lögreglusylgju úr kopar. Gyllt flauta í keðju